





鈴山堂集卷第十三目錄

詩

元會

齋夜二首

人日同鄉宴集

官保顧公吏侍張公被命校文僕承乏禮曹知

貢舉顧公有詩紀遇志感余嗣和焉

四月八日欽蒙於長陵召對恭紀二絕

祇役戚園覽遊西山寺

平坡寺





金華集 卷三  
寓宿碧雲寺

香山寺來青軒

九日南內召對

奉命視牲

奉勅充知大禮上冊使

書事十三絕

奉和桂翁郊壇喜晴

奉天殿捧詔

歲除日省中晚歸

除夕家宴

元旦賜酒饌

是歲予賤生六十甲子矣感遇述情而作

禮部舊無朝房予疏請命工曹特建適奉祀齋

宿簡張蔡二寅丈

扈蹕紀 賜十九首

中丞顧公寄詩次韻答之

賀序翁新第落成

賀桂翁新第落成

冬夜宴別彭太史使楚

春日偶成

贈陳子器



符子太僕出守韶郡賦贈

贈王太常之南京

奉和桂翁閣蓮六花之作

儼山學士以漆鏤八仙盤日贈用韻奉謝

奉酬儼山甬川二學士同年

鈴山堂集卷第十三

詩南宮景

升菴楊慎評點

元會二首戊戌

正元鐘鼓動長安率土朝天若會湍瑞氣先浮百子  
殿晴光欲上五辛盤梅風應律韶年麗節屋迎陽聖  
澤寬先向御簾陳賀表繆司邦禮備春官

紫宸樓閣霧中看寶扇龍旗拂曙寒燕律吹葭餞冰  
雪漢庭鳴玉引鵷鸞身當奏對瞻天近世際雍熙報  
主難虹渚七廻逢大慶萬方嵩祝一聲歡時皇第  
七子生



齊夜二首

玉漏南宮夜星河迥寂寥輝輝庭雪積冉冉樹烟銷  
大禮嚴 皇諭清齋肅署寮 聖躬傳勿藥凝思睇  
丹青

入院烟霜暝開牕栢檜深地嚴知俗遣夜久覺寒侵  
禮樂逢 明主乾坤抱寸心擁書清不寐風鶴送餘  
音

人日同鄉宴集

此日舊傳人共得小堂初喜客相過椒觴栢葉修春  
酌錦瑟銀箏起夜歌萬井烟花芳節好百年桑梓故

情多正逢休沐堪乘輿暫駐燈前白玉珂

官保顧公吏侍張公被命校文僕承乏禮曹知

貢舉予三人者弘治乙丑同年進士也 孝

皇賜第距今三十有四年矣顧公有詩紀遇

志感余嗣和焉

三十年前戰藝場最榮今日共春堂恩霑醴宴花明  
席詔鎖文闈棘遶墻閱盡沙金知力健坐闌宮燭覺  
宵長鳳池老手夔龍望蚤見華蟲補舜裳

射策當年獨擅場偶慚疎朽亦升堂親承賜第臨軒  
陛謾逐看花過苑墻晨鏡照霜華髮改晚葵傾日赤



心長 泰園春草年年綠拭淚瞻天憶袞裳

四月八日欽蒙於長陵殿門左召對

陵殿東頭御幄垂爐烟高拂午松枝中官呼召黃袍

坐此是新承顧問時

龍幄近瞻顏咫尺玉音親聽語分明不知何幸紆

皇眷無限依依犬馬情

祇役戚園覽遊西山諸寺

東峯西崦鳴鍾近寶刹珠林處處來松逕駐驂僧吹  
發石谿流葉寺門開始驚鳥道看難到漸入雲根興  
轉催年去尚嗟筋力在夕陽重上最高臺

平坡寺在西山之巔境甚奇峻攀磴而陟俯眺

萬壑予為禮侍一至今十年矣

入門雙樹欲參天為禮雲峯一爽然長向省曹迷簿  
領忍令心賞負風烟靜聞經梵千林上徙倚蒼茫獨  
鳥前再入南宮容鬢改山僧猶記昔遊年

寓宿碧雲寺

樓閣盤蒼嶽香燈隱翠微竹間泉溜發臨賞澹忘歸  
立沼窺魚泳俯檻見雲飛一向巖中宿蓬心自覺非

香山寺來青軒題

再到層軒坐諸峰盡若迎勁風山木振初日殿鴉鳴



金華集 卷之三 三  
澄廓邀殊觀高閭寄遠情惜無謝客賞况乃趣王程

九日南內召對

重華宮中翠輦來翔鳳樓前彩仗回正是傳宣當九日賜醪全勝菊花杯

奉命視牲

觀闕層城峻郊宮複道開市烟當樹合炬火逐塵來牲帖犧人報騶聲騎士催夜歸題笏記候曉奏蓬萊奉勅充知大禮上冊使連日召對向玄極殿

精一堂 文華西室恭紀一首

親勞御筆題宗伯幸際昌期待 聖人朝發玉書傳

近弼夜燔蒼璧助精禋園丘扈蹕天行肅溫室承顏晝接親無涯莫報乾坤賜匪懈真忘夙夜身

書事十三絕

爐香拂座月窺簷帶玉袍緋列貴闈為報四臣宣已至近前輕揭翠旃簾

南郊冊禮是新儀 聖主從容得面咨一一榻前親指授却教傳與太常知

玄極紅雲捧帝居天牌新製煥金書肇成大享稱嚴配典禮分明復古初

丹陛前頭催設位祠官祝幣列參差我 皇肇舉無



前禮親率諸臣演大儀

堂開精一連皇極閣寶閣金題入紫烟自是鈞天難

可到幾回身侍玉皇邊

百子螽斯望接連二宮皇家胤嗣本縣延行從毓德

宮前過知是軒龍啟瑞年太子宮也

右掖籠燈半掩門對回玄極已宵分遲迴暗記

絲綸語此語人間未遣聞

每夜燒燈頻草奏夜分直到御前開中官門隙爭

傳遞知是南宮禮疏來

法駕前陳炬火開千官騎從出蓬萊勅使殿頭先授

簡拜冊南郊當夜迴

星漢昭回夜景澄靈風不動燎烟凝遙望袞衣親奠

獻泰壇高處幾回登

黃氊設幄傍丘壇絳蠟金爐夜不寒袞黼纔臨催入

對樂章親製賜傳觀

春卿傳詔捧雲盤日照金龍繫綵竿十道使華嚙命

出萬方雷雨布恩寬

黃綾寫頌奏金鑾縟典新成際會難御筆已批留史

館又教抄在禁中看

奉和少傅桂翁郊壇喜晴奉天殿捧詔



冬裡麗日輝晴晝聖主精誠信格天已向卿雲歌舜  
瑞還將華嶽祝堯年皇風渾噩追三代陽德亨嘉進  
衆賢獨有相臣分奠獻紫壇簪珮上鑪烟  
奠璧南郊祀九成肇陳瓊冊薦鴻名萬方濺澤頌皇  
詔五夜精禋竭聖情淑氣正隨葭管動日華先上袞  
衣明殿頭鵠立知元輔親佐唐堯致太平  
大享欣瞻聖典成惟寅愧忝秩宗名詔從廷授叨餘  
寵詩得緘題荷故情繆隨鵷鷺顏方醜每奉瓊瑤眼  
倍明豈意陋庸遭盛際與公親見泰階平

歲除日省中晚歸是日上手札曰諭秩宗有

光祿酒饌之賜

樓雪宮烟暮景斜手封儀疏未收衙  
君玉賜得辭  
年酒助與椒觴夜頌花

御札十行勞賜諭秩宗三禮愧非才不知何語堪聞  
聖䟽對晡從閣裏迴

除夕家宴喜弟姪遠至

京華屢見流年換弟姪新從故里來乍覩別顏應自  
喜細論鄉事轉堪哀盃浮綠蟻團欒坐花覆銀缸爛  
熳開薄劣誤承皇眷厚滄江空間釣魚臺  
元旦賜長春酒并光祿酒饌



宮醪玉饌連翩送勅向天厨賜五臣酒出長春名本  
異賜當元日寵尤新仙桃醉領東風暖豐草恩霑湛  
露均願奉陽和同壽域還歌天保答皇仁

是歲己亥予賤生六十甲子矣感遇述情而作

此詩

幸到六旬初度日衆中吾亦白頭人濫隨鵷序升朝  
久謾對椒花獻壽新樗榦豈堪爲巨室草心長許奉  
陽春楚山風樹思親淚魏闕星霜報主身

禮部舊無朝房予疏請命工曹特建蓋異數也  
落成春祀齋宿奉簡張蔡二寅丈

直廬新敞禁垣西宮月臨窓苑樹齊玉漏曙聞高閣  
報碧梧春借上林棲殊恩正荷幘蒙賜勝蹟須留歲  
月題鵷侶同心俱雋望五雲簪珮得相携

玉樓金閣眩東西咫尺宮城北斗齊峰遠雪雲迷夕  
望庭幽烏月伴寒棲遲迴省署年頻改惆悵春襟句  
自題夙夜此身憂責在綠尊虛負碧山携

曉星殘月在簷西起望天街簇仗齊瑤雪靜風致中有含鵲

影綵雲深護鳳凰棲南宮禮樂逢昌運上苑烟花續

舊題誰信燒燈催草奏每看堂印夜中携

扈蹕南巡自出京至在途蒙 恩賚諸物各恭



紀一絕以志榮感其酒饌牲品等物尤多蓋不能悉紀也

賜大紅羅飛魚服駕發日左順門宣賜

官羅五綵出天機錦浪神魚爛滿衣知爾乘雲露頭角便從天上赤龍飛

賜方袋銀瓢刀筋三事駕發日賜

芙蓉為畫錦為囊刀筋銀瓢摠繫將已是三迴霑御賜每隨天仗佩恩光

賜壓袋銀錢安肅行官賜大小十文文曰嘉靖年造

御帑朝分壓袋錢白金新鑄倍光鮮五銖永作人間

寶四字今題嘉靖年

賜銀鍍金酒盃盛以沙金漆盤真定行官賜

銀盃捧出競傳看色間黃金映赤盤長路風塵勞聖念宮醪引滿不辭乾

賜御筆詩三月朔榮澤渡河言絕一首書賜五臣各一幅御製七

灑翰親承御榻前 聖皇初述渡河篇祇應百世藏為寶此是南巡扈蹕年

賜梅蘇丸途中凡數賜

煉蜜調梅細作丸白凝霜雪盡團團馬上探囊時一嚼送得清香入肺肝



賜解勞湯鈞州行宮賜藥一裹御題曰解勞湯

歷歷山川信所遭馬前塵土滿征袍服勞自是微臣  
義藥裹深蒙 賜解勞

賜綵裝松竹梅鸞帶

綵裝鸞帶倍鮮華 面授行宮拜寵嘉為最歲寒同  
節操竹青松翠間梅花

賜畫面扇并象刻壽仙綴子襄城行宮賜

五明綵扇製還新象綴銀環價倍珍揮愛虞薰時解  
愠捧看官月近隨人

賜花線絲并金廂寶石提繫承天賜

五紋絲線織條長金作條環七寶裝就中獨有猫睛  
貴觀看中間一線光

賜磁器甌碗十二件承天賜舊邸所藏也

幾年陶器尚收儲拜賜 先皇舊帑餘捧持但覺恩  
為重寶愛深知玉不如

賜御賚銀

途中屢賜白金二百兩餘此銀一錠計五十兩鑄識御賚銀及嘉靖年製七字

書生未識贏金富 聖主多慚惠養私擬作他年遺  
老計買山誰道更無貲

賜馬承天賜



勅賜天閑玉鼻驛便教騎在 駕前行過都歷塊還  
輕健疑有風雲足下生

賜笄尖

武當山中產形如指尖甚奇  
上命中官特齎賜一包

解籜龍孫露玉尖分明生就指纖纖靈山異產天家  
賜肉食那知此味兼

賜面衣

駕發承天賜拍鄉又賜

扈蹕初從江漢歸長途終日馬駢駢冰綃不受紅塵  
沈謝得 君恩賜面衣

賜袖香

駕發承天賜  
諭札曰用碎途中塵穢

龍腦修和集異方宮中熏奉 御衣裳自從分得

君王賜袍袖携歸不斷香

賜煙墩帽并金廂寶石帽頂一座

賜來大帽號烟墩云是唐王古製存金頂寶裝齊戴  
好路人只擬是王孫

賜代衣銀

宜城行宮召對遇雨衣盡沾濕賜  
白銀三十兩諭札曰用以代衣

造膝從容奉 密言晚來衝雨出宮門賜金爲代表  
沾濕感德身同挾纊温

賜酒竹葉清真珠紅二品

御厨宮酒出黃封碧灩紅香昔未逢共道 皇恩比  
春色一分斟處十分濃



中丞顧公寄示長沙道中詩輒次韻答之

保釐風采重臺臣功在朝廷德在民筆底總持三尺  
法湖南遙布萬家春盡捐厨傳無煩費還載圖書只  
舊貧儒術由來須世用北山猿鶴可相嗔

賀序翁閣老新第落成

京國園廬三十載新堂今敞相臣居沙堤路迴回蓮  
炬祭戟門高擁駟車握髮每延朝客坐濡毫時答  
御函書甲樓地接堦除近几席追從日未虛

賀桂翁閣老新第落成

相國新開甲第雄平沙隄接鳳池東寶函龍札來天  
上畫棟朱甍出霧中朝罷御烟攜袂繡吟餘花日上  
簾櫳麒麟抱送天應眷看取千年社稷功

冬夜宴別彭太史使楚

別調參差絃上聲燕臺歲晚送君行寒星曙雪催程  
遠玉節金書奉使榮宮錦駐輶家暫到楚蘭弭棹賦  
初成未能便逐歸驂去猿鶴松關苦繫情

春日偶成

不知身事竟如何無限春心負薜蘿林岫鳥還知力  
倦圃亭花發柰風多閒搔短髮從渠變每得新詩祗  
自哦憑仗一生忠信力豈驚人世有風波



金山堂集 卷三詩 十一  
贈陳子器赴政和令

送君闔海去把酒意茫然邑小尤堪治才高誰爲憐  
武溪看罨畫黎嶺入風烟萬里遲雙鳥何年向日邊

二

二鳥來南國文章五色奇胡然滯遐舉分飛殊路岐  
夜歌聞白雪春賞惜瓊枝薦禰慚無力空吟餞別詩

子器同弟子虛文學  
並稱子虛今舉進士

符子太僕出守韶郡賦此以贈符子昔嘗作倅

於韶也

韶陽人吏拜旌麾爲政風流記昔時新佩魚符稱刺

史重來竹馬候童兒花間露冕春行縣燭裏攤書夜  
坐帷若見隴頭梅發處因題佳句一相思

過從未厭客長安誰道新恩阻舊歡他日故山還結  
社清時榮路且彈冠猶憐寶劍橫秋水自許青松耐  
歲寒垂老不堪仍遠別送君惟有勸加餐

贈王太常之南京

廊廟只今公望屬暫勞征旆過江東舊京禮樂仙曹  
貴瀛海風烟別路重陵祀曉隨鍾阜月郊巡時掃泰  
壇松送君憶我曾遊地惆悵因憐雪上蹤

奉和少傅桂翁閣蓮六花之作



金山堂集 卷三言  
九重城隔金扉路六萼蓮開玉井花  
羲畫正符陽道  
泰越妝偏助賞心  
嘉簾虛翠蓋搖波影閣迥紅香近  
日華珍重化鈞調燮在年年芳節瑞天家

儼山學士以漆鏤八仙盤見贈併侑以詩用韻

奉謝

燕肆雕盤價比珍多情投贈况佳人爲盛玉笋擎方  
重細酌宮醪賞更新捧愛洞仙朝獻壽醉看歌席夜  
生春他年綠野堂中物留伴詩翁後樂身

用韻奉酬儼山甬川二學士同年

杏園席上題名處晚歲登朝復幾人  
塵裏浮踪那可  
定鏡中華髮自應新  
松當雪澗猶含翠  
桃熟崑丘不  
記春曾是十年江海別喜君重到鳳池身



鈐山堂集卷第十三

鈐山堂集卷第十四目錄

詩

聖駕幸承天發京作

扈從次涿州

趙州

彰德六言

扈從見道傍梨花

河上歌

恭和 御題漢江

恭和 聖製初闕純德山喜而自得有序



長陵奉安 成祖尊號碑

扈從經九龍池

元日於 文華殿賜諭賜酒饌

送魏中丞之河南

恩賜麒麟次陸學士見贈韻

又次甬川張少宰

和宗伯託翁雨宿浣花草堂

記象入室事

偶誦姑蘇蔡九遠詩寄謝

贈王侍御按閩中

送劉節推之本郡

白貞夫皇甫子安二郎中謫官詩以贈之

再贈貞夫

書奏吟

待朝鮮使臣宴

贊治堂賞蓮次席間韻

胡少叅汝茂自楚藩以詩惠寄用韻酬之

吳給諫出叅藩政賦贈

贈劉以道僉憲之閩中

龔母壽詩爲諭德鳴治作



宮寮燕集詩

送華侍讀歸省

錢子中挽詩

早春送孫志高編修南還

送張濟甫提學

送曹際卿大參

葉工部自南都來話舊述情

刑部揚郎中出守夔郡作詩贈之

賡治堂續賞荷之會有懷崔公後渠

鈴山堂集卷第十四

詩南宮藁

升菴楊慎評點

聖駕幸承天發京作

禁城鍾動啓金扉鳳輦時巡出帝畿黃紙特頒都護

勅緋羅齊賜從臣衣祥雲捧日浮丹仗芳樹和烟隱

翠微遙想江湘歡父老漢皇今覩沛中歸

扈從次涿州

此夕行宮駐六飛帳營星列滿郊圻雲峯積翠能隨

輦花雨含香故拂衣萬古風烟傳鹿野百年父老見



龍旂鄧園陪從今 皇孝太覺甘泉賦獵非  
趙州夜發

趙州城南騎火明鳳蹕鳴鑾中夜行揮鞭曉問邢臺  
驛一日還過百八程

彰德六言

十載乘輶此路而今扈蹕重過渺渺山圍鄴郡飛飛  
塵湧漳河

見道傍梨花

萬枝瑤雪倚風斜似浣明粧候 翠華日涉郵程春  
已暮今朝初見馬前花

河上歌

大明八葉聖人生曾見黃河水至清千年襄漢榮光  
起此日風雲大駕行  
汾水衣冠若景從千春稀事此時逢洪波浴霧樓船  
發白日中流翔赤龍

靈河西上遠黏天鳳舸龍檣入紫烟周王圖馬浮川  
地漢主風歌入沛年

恭和 御題漢江

鄧州城西流漢江浮天玉練隱波光流虹貫渚成皇  
瑞飛鳳迴岡作帝鄉



恭和 聖製初閱純德山喜而自得有序

嘉靖己亥春仲我 皇上躬巡楚服至于舊藩之  
邸乃三月十有四日壬午恭詣純德山之陽瞻拜  
神寢畢乃循山之脊而東尋徑歷阜以周視陵脉  
地形于時 上御龍騎臣郭勛朱希忠崔元夏言  
及臣嵩皆騎以從但見崇岡隱起疊阜盤互如龍  
遊鳳躍蜿蜒抱護風氣完萃金城萃鬱黃屋丹瓦  
輝映於青松碧嶂之間信天造之吉壤也 聖情  
孔怡喜而自得爰製五言古詩一章翌日出以示  
臣等仰惟 皇上爲 二親之重勤萬乘之尊計

視山陵履荆榛冒暄日而弗以爲勞孝思純至誠  
千古帝王所不能及者而惟茲純德之山我先  
皇帝龍藏之所安悅尊處幾二紀矣儲秀發祥顯  
有徵應茲惟 聖斷慎重弗移蓋國家萬世無疆  
之慶也 臣猥以禮官叨預扈侍謹拜稽恭和而謹  
叙其事庶幾備紀錄以貽于永世云

恭覽周神寢廻徑歷羊腸伊昔著嘉名兆稱天子岡  
勢連嵩華遠水遶湘流長蟠互丘巒勝榮休王氣昌  
龍藏忽二紀松柏皆踰墻上帝悅明德眷此受命鄉  
惟盤壯南服允作萬世防慎固永弗移山祇告吾皇



鍾靈發禎應天定非人量河山巨終古孝德無遺忘  
扈從謁長陵奉安 成祖尊號碑紀事十首 亥

九月二十八日

文祖長陵壓厚坤萬峯騰躍此峯尊重磨琬琰刊鴻  
號八葉皇家有 聖孫

縹緲仙城霄漢間鼎湖龍去若為攀岡頭宰木橋頭  
水曾見金輿駐碧山

忽上高樓凌紫氛俯看松栢渺重雲金書特薦千年  
號御氣長成五色文

六陵秋色到簷楹萬壑雲風動地生白日魂搖寒起  
粟始知身伴赤龍行是日侍上登明樓

恩從幄殿對回深訓慰從容示玉音孤跡豈知勞  
聖眷忠誠那敢替初心感恩殿 召臣嵩獨入對上諭曰卿勉盡忠誠勿介意

人言嵩頓首謝

山南山北夜鳴鐃宿處星河傍紫霄飛將營門傳號  
令赤旗千騎影蕭蕭

松曉露寒巖徑僻乘輿忽駕欲何之悼陵園廟秋峯  
裏 聖主恩深一顧時廿九日 上召五臣入日往陳后陵一視

向夕鳴笳下翠峯玉驄騎出御園松塵沙百里行應  
盡丹鳳城邊聞曙鍾上 乘馬十里至紅門夜行達旦入京



露裹風帽夜深寒玉輦前頭對據鞍詔許五臣披暖  
耳陽和真藉聖恩寬  
甘泉騎火燭天來萬轂喧喧隱若雷玄武門開寒漏  
徹都人爭候屬車迴

扈從經九龍池

九龍池上駐龍旂殿蘭宮鎖翠微日出綵霞籠瑞  
氣霜迎黃鉞肅天威雲中蘿逕千盤合谷口風泉百  
道飛塵跡此中難可到况陪仙蹕奉恩輝

元日蒙召五臣於文華殿賜諭賜酒饌於殿

西廂霑醉而出恭述四絕

元日首頒元聖諭寶函擎出殿中開承恩特賜宜  
年酒拜舞瞻天却舉盃

今年春日薦春觴共沐恩光近御床頌擬椒花堪獻  
歲心同葵萼總傾陽

起草殿廬催入對喜看春色在揮毫寒消墨沼龍香  
潤日上舩稜鳳闕高

聖主履端膺萬福起居先遣近臣知正朝雲物偏佳  
勝試筆先裁祝聖詩

送魏中丞之河南

星輶建節赴南河嵩嶺橫雲洛水波闕下絲綸親捧



詔澤中鴻鴈久興歌清霜更助臺威重化雨能敷聖  
澤多此去願紆宵旰慮待歸鸞掖共鳴珂

恩賜麒麟服次儼山陸學士見贈韻

宮衣擎出聖恩新雲錦輝裁五色麟敢以軒裳誇物  
采極知魚水喻君臣文明有象方呈瑞和氣攸鍾本  
配仁犬馬此身難報稱祇將周嗣詠振振

恩袍草色照人新組繡驚看一角麟命服故應旌上  
德寵光何意及微臣馴遊自昔徵王瑞衣被終身荷

聖仁留與南宮傳盛事後來名德價逾振

部卿前無賜麟者茲

為後賢  
作始云

又次甬川張少宰韻

淺薄何堪眷遇隆繡麟分出賜袍紅周郊遊處禎祥  
集殷筭頒時品式崇豈有文章裨聖治直於奔走策  
微躬推衣未報 君王惠結綬徒希國士風

和宗伯託翁雨宿浣花草堂

卧聽西巖風雨生草堂蕭颯一燈明並枝宿羽深愁  
濕遶竹飛泉倍覺鳴仲蔚蓬蒿迷宅徑少陵花鳥入  
詩情不知此夕陽春句誰和朱絃曲裏聲

記象入室事

仲春望夕陪祀宿內舍忽風象折戶突入卧內號



叫躑躅勢甚危惡予默坐念程伊川渡漢江事良  
父象人來拽之以出幸以無恙因記于此

獨宿直廬逢象闕忽來入室遶床鳴平生危險更嘗  
通事合驚時亦不驚

猛象咆哮君合避只須屏息坐帷中漢舟幾覆心無  
怖記取程家主一翁

予昔卧痾鈴山有終焉之志矣既而復玷朝籍  
不自意叨竊至今偶誦姑蘇蔡九達往年爲  
予作鈴山堂詩有他年玉帶歸山靈喜無媿  
之句感念其情因紀一絕併寄謝蔡君

病骨那堪玉帶圍在山心事出山違中郎有句能成  
識泉石他年待我歸

贈王侍御按閩中

斧鉞下南天登艫望若仙觀風臨海嶠執法動星躔  
遠道佳眠食當塗賴俊賢濡毫多逸興寄我武夷篇  
送劉節推之本郡

遙向宜陽郡行瞻翼軫星雲程催逸駕霜刃發新礪  
秔稻垂山郭柝揚臥訟庭送君鄉思集想見故山青  
白貞夫皇甫子安二郎中謫官詩以贈之

二子南宮彥輝連瓊樹枝赤墀鳴玉地粉署握蘭時



佐郡才何屈登途意轉遲臨分贈長劍持此慰相思  
再贈貞夫時甫遷官秩遽有左官之命

聞禮稱才子含香作正郎所期趨鶴禁何意別鷓行  
郡古山橫翠亭秋樹帶霜中朝昆季在宵夢憶連床

書奏吟

書奏南宮夜孤忠祗自憐此心惟報主何語可回天  
鴛力衰年後鴻儀遠古前誰知避人吏撫枕一潛然

待朝鮮使臣宴

文軌通函夏衣冠捧御筵萬方來貢日四海太平年  
湛露承堯酒薰風被舜絃濫陪欣頌賞竊吹仰鈞天

二

御醴傳銀甕宮花剪絳羅夾衢陳警衛當席擁笙歌  
化洽提封遠恩霑賜宴多還聞使臣語東海不揚波

贊治堂賞蓮次席間諸學士韻各一首

南省清芬雨露邊徵歡來賞后池蓮即憑酒盞消炎  
日最愛花枝拂曙烟名籍早爲同榜客衣冠齊列大  
羅仙蕪葭顧我空形穢愧倚臨風玉樹前

右次詹事陸公儼山

向來雲臥鄴城邊纔得君王賜炬蓮誰擬著書忘歲  
月尚看揮翰落雲烟舊栽桃樹非前主新着宮袍是



金華集 卷之四  
謫仙馬首獨歸情脉脉為君惆悵晚花前

右次少詹事崔公後渠

春藕移栽近日邊  
花開不數越溪蓮  
光搖玉簟清無暑  
香逐金爐煖帶烟  
興至故應忘主客  
官間真得似神仙

懷賢合作甘棠看  
又落風神夢覺前

蓮為公署部印時所

種也

右次太子賓客張公甬川

盆池仙萼傍南宮  
綠樹涼生滿院風  
勝日琴觴邀上客  
清朝簪組盛群公  
近人海鶴間過砌  
多事園蜂競遶叢  
暫喜近來曹務簡  
不妨相勸醉顏紅

右次少宗伯張公陽峯

胡少叅汝茂自楚藩以詩惠寄用韻酬之

郢上春逢今忽秋  
年光真共水東流  
芙蓉遠道能相

贈瓊玖清詞不易酬  
觴對鶴樓人已遠  
文題蘭省石

還留期君其結明  
庭綬未向關河嘆  
阻修

君為精騰時嘗立石

題名為文以記

自笑茆齋曠雪人  
謾披陳蠹學經綸  
幸於禮樂逢

明聖豈有文章動  
縉紳秉燭夜堂還  
草奏攬衣朝閣

更迎賓南宮故舊  
勞相問潦倒風塵  
白髮新

吳給諫出叅藩政賦贈

紫薇旌節旬宣地  
青瑣衣冠侍從年  
吳苑晝遊人似



金山堂集 卷之四  
玉楚帆西上水如天子牟戀闕江湖遠召伯留棠惠  
化傳題柱盛名今不淺海邦新勒使夷編君奉使朝鮮其所著

作國人刻梓以傳

### 贈劉以道僉憲之閩中

南徼持風紀中臺輟俊賢拜恩分雨露執法動星躔  
九派揚帆外三山攬纜前威傳風偃草操凜月行天  
邪畏神羊觸喬惟谷鳥遷列城皆擁傳遙夜尚窺編  
候館明丹荔靈峯肅紫烟舶通溟海客筵會幔亭仙  
未厭飛蓬遠惟聽薦藁先臨分贈長劍揮手帝城邊

### 龔母壽詩為諭德鳴治作

錦誥銜恩重青鸞送喜頻馳榮逢聖代獻壽及佳辰  
才子當朝彥宮臣簡命新龍頭魁殿選鰲禁得儒珍  
辛苦熊丸訓芬芳俎豆鄰關雖稱媿德藜葉咏宜人  
年喜稀齡屆天於景福申仙孟凝露菊家饌膾江鱗  
愛日情彌愜瞻雲意轉頻裁詩寄南極遙祝鳳池濱

### 宮寮燕集詩

孟冬廿一日集燕詹府之堂卿保而下三十有三  
人皆官秩也尚書霍公實為之主大宰許公首倡  
紀會之作予輒嗣和焉

宮城佳氣鬱蒼蒼八座華裾照羽觴夏室謳歌歡有



子虞廷入拜佇惟良筵開玉署蓬瀛裏地切金莖雨  
露傍廊廟衆賢今彙進 帝圖皇曆自遐昌

古松寒柏對青蒼地主高情勸累觴聖世鳳麟爭睹  
瑞崑岡璵璧總稱良門臨玉澗來天上樹擁金隄近  
席傍淺薄豈堪塵寵秩也陪星履躡文昌

起瞻東震氣逾蒼盛會難逢更盡觴馮翼願同周士  
吉股肱惟藉舜臣良晨趨劍佩鑪烟上晝接威顏黼  
座傍少海前星占國瑞天長地久祝時昌

送華侍讀歸省

渡江汀草發春色近庭闈况是神仙吏遙從霄漢歸

泉聲間伶吹花氣襲宮衣舊日觀書處雲窓在翠微

錢子中挽詩

抱志立不廣其如值數竒山陽舊行處鄰笛使人悲  
素簡留丹篋新花發故池何因慰溟漠拭淚一題詩  
早春送孫志高編修南還

將母承俞詔還鄉羨書遊草新迎擁傳波暖待維舟  
忠孝傳家世文章軼俊流尚書遺烈在恩露滿松楸

送張濟甫提學

學憲從來重君當拔擢新簡書還自畏鉛槧轉須親  
秉燭儒臺夜停車越水春要令全浙士文體盡還醇



送曹際卿大叅

楚楚今藩伯星輶去若仙名高稱吏部境勝入湘川  
江靜深含綠峯晴迥帶烟旬宜多惠政要使遠人傳  
葉工部本道自南都來話舊述情因有此作錄  
似葉君并寄謝南都諸故舊

吏散長安日杜門故人相見髮開尊人情棘上青蠅  
變身事池邊老鳳蹲閱盡世途惟自信別來幽抱可  
誰論留都知舊勞相問渭樹江雲入夢魂

刑部楊郎中精于醫術嘗已予疾於艱亟茲出  
守夔郡作詩贈之

共誇刺史專城肯爲惜佳人萬里行朝發薊門催驛  
騎暮經巴峽聽猿聲名山采藥烟霞迥燕寢凝香几  
牘清衰病藉君留不住青精黃獨倍關情

贊治堂續賞荷之會有懷崔公後渠次韻二首

畫省新荷綠滿池露紅重發最高枝因攀上客勞軒  
蓋更續前題感歲時坐近風香開翠幌飲留霞色對  
瓊卮妨賢此地能無愧回憶滄洲意轉遲

地靜宮城傳午漏樹深齋閣引涼颼還拚劇飲追河  
朔每誦高吟出鳳池瑞露乍疑金掌重仙歌欲度綵  
雲遲美人南國遙難並折贈無因寄所思



鈴山堂集卷第十四

鈴山堂集卷第十五目錄

詩

賜遊小山并金海泛舟至廣寒殿詩有序

恭和 聖製朝泛舟于金海

恭和 聖製中秋思 母歌

侍 上金海放燈

辛丑三月十七日直宿 無逸殿奉 旨同閣

老程公詳定進士試卷

詳定試卷 上命中官齋賜丁香花一枝并金

花筒簪之恭紀四絕



禱雨金海祠上香作

夜叩金海祠同五臣舟還

奉命永明殿先聖堂代拜

登憑虛山殿在永明殿之南巖洞甚奇

萬壽日賜宴內殿賜官製彩花并栢葉一枝金

筒簪之

元夕侍宴幽風亭觀燈

壬寅正月

嘉靖壬寅三月四日直宿西苑時雨適澍 上

召賜酒仁壽宮中恭述二章

勅賜禁中乘馬

太液乘舟

侍上登苑中閣

駕還仁壽宮 召入賜飲白酒兼賜時服緋羅

彩補

賜遊清馥殿

少師桂翁壽詩

桂翁壽詩同諸學士作

賜川扇

送太宰許公致政

送教刑部兩浙慮囚



送錢刑部之四川

贈別張銀臺歸吳

直宿 無逸殿次少師桂翁韻

九日少傅相公集飲次席間韻

十日翊國太師京山都尉集飲用前韻

晚秋時菊盛開復有紅葵一株作花次韻儼山

學士

劉起之儀部出副閩憲有贈

送董子儀主事

送寇真外陽之浙江僉憲

贈張長史時言

太子賓客張公母夫人九十壽

寄贈南大司成龍先生

看新曆自感



鈴山堂集卷第十五

詩 南宮稿

升菴楊慎評點

賜遊小山并金海泛舟至廣寒殿詩 有序

嘉靖辛丑二月二十三日 上命勳輔及尚書嵩

七臣同遊小山在 仁壽宮之西中官導引入清

虛門磴道盤屈甃甃皆肖小龍文疊石為峰巉巖

森聳恠竒不可名狀元氏故物也中官云元人載

此石自南至燕每石一淮粮若干俗呼為折粮石

盖務極侈靡近歲重葺一亭 上扁曰鑒戒亭取



殷鑒之義云亭中設榭貯書 上至以備覽攀磴  
陟山嶺曰清虛殿俯瞰都城歷歷可見山腰累石  
爲洞刻石肖龍水自龍吻出噴灑若簾其前爲曲  
流觀甃石引水作九曲流觴皆雕琢奇異布置神  
巧又南爲瑤景翠林二亭中架石梁通東西兩池  
金鱗遊泳其大者可尺許奇石錯列古木森蔚彌  
望乃往觀省耕亭 上即隙地墾田督農耕之臨  
閱則坐此又鑿井灌畦爲井亭衆稱讚良久乃列  
坐松栢間享酒饌中官相與勸酬甚懽既又傳  
旨賜登舟泛金海往觀于廣寒山舟蕩槳持楫者  
皆中使水光盪漾遠近亭殿隱現金碧交輝恍若  
身造瑤池弱水之間也舍舟登岸以陟廣寒之殿  
絕頂巍峙高入雲漢山麓爲臺爲洞爲堆雲積翠  
之坊周覽畢復賜酒饌坐松栢間皆醉飽而出群  
臣莫不感 恩懷德以爲希世之遇 臣蒿何幸獲  
預斯列謹各紀一詩而識其事如此云

清虛殿

皇宮西畔闕層丘別有天門洞壑幽玉榭金亭雲霧  
裏年年此地奉宸遊

鑒戒亭



金山堂集 卷五言  
巖松總是和雲種湖石猶疑縮地來  
聖主揭名存  
鑿戒簡編時向此中開

水簾洞

玉龍噴水當幽洞飛下青巒注碧池  
池中金鯉閑游  
泳聖澤長涵自不知

曲流觀

濺玉飛瓊出洞來巧穿渠石自縈迴  
春來耐好浮花  
片爲進 君王萬壽盃

瑤景翠林二亭

山連瓊島宜飛鳳水作金潭會濯龍  
聖主經年罷

遊云琪花瑤草若爲容

省耕亭

枯樺聲處起高亭新構宏規出聖情  
歲歲柳陰晴日  
裏 翠華來此看春耕

廣寒殿

差我臺殿倚層巔古木長雲上界連  
太液無風開玉  
鏡時時飛翠落晴淵

金海

堆雲積翠岩堯逕玉螭金鰲宛轉橋  
坐倚古松宣賜  
宴醉臨盤石待回橈



恭和 聖製朝泛舟于金海二首

太液波澄曉鏡舒滿汀芳露濕紅蕖樓臺隱映移天  
上草樹龍葱帶雨餘雲中扶輦來祥鳳蘋際隨舟躍  
錦魚此日宸遊歌聖藻應知朝野共歡娛

龍舸中流四望舒水容波色淨仙藻紅搖錦繡千重  
裏碧浸玻璃萬頃餘巖畔青松停瑞鶴洲前翠荇觸  
遊魚蓬丘閨苑非人境萬歲千秋奉聖娛

恭和 聖製中秋思 母歌

人間此夕逢三五皓魄堂空初過午玉宇瓊樓景色  
佳誰道吾 皇心獨苦皇心獨苦兮應奈何對景傷

情兮念慈母慈母當年復且顧仙昇一旦如乖忤節  
值中秋可嘯歌黯然昨夜生陰雨我皇感此重愴悽  
欲捧瑤觴共誰語彷彿如瞻天上容徘徊尚憶生前  
語大孝吾皇真聖子聖子懸懸望母歸鳳輦龍輿日  
幾歸直駕紅雲謁紫清紫清闔闔九門通玉几聲音  
非杳冥恍然慈訓時時聆秋光春色有代換聖情痛  
慕還無終長歌特製名思母至言歷歷流心腑絢目  
昭回天地文仁民致治本親親皇風帝德過堯舜臣  
拜稽首歌聖人

侍 上金海放燈



紅燈焰焰水泚泚此夕真從天漢遊鸞簫鳳管鳴仙  
吹錦纜龍旗引御舟

恍驚華渚流虹照宛是緱山駕鳳來仙人指點瑤池  
上萬朶金蓮頃刻開

辛丑三月十七日直宿無逸殿奉 旨同閣老

翟公詳定進士試卷遂命充讀卷官故事禮  
卿不得預此蓋特命云

殿閣篝簾蠟炬紅品題初拆御前封燕臺驪牡還求  
駿禹穴風雷欲化龍直以文章需俊傑要將忠孝答  
遭逢掄材自是台司事慚備春卿得濫從

詳定試卷 上命中官齋賜丁香花一枝并金

筒簪之恭紀四絕

麗色繁香簇絳霞中官擊賜御園花欲知簪處君恩  
重看取金筒壓帽斜

宜春苑裏丁香樹帶露籠煙錦作團不是天家親折  
賜何因得借一枝看

御苑名花萬樹開重重金屋鎖樓臺忽報風香來滿  
鬢歡從天上戴春回

四十年前射策人晚遭 明聖寵恩頻官前手把花  
枝看復似瓊林醉後春



禱雨金海祠上香作

石磴松林金殿開  
禮臣恭捧御香來  
聖主憂民望  
甘澤龍官莫待玉符催

赤符仙篆下金波  
燭焰爐香遶樹多  
最是片雲將雨  
至忽教吹散柰風何

寶淵金海是龍宮  
水殿長吹夜夜風  
何事老龍猶未  
起不將霖雨代天工

夜叩金海祠同五臣舟還

宮前玉漏千門鎖  
樹裏紅燈幾處張  
祇役不辭舟路  
遠廣寒山下月蒼蒼

秋風蕭瑟樹煙多  
綠水澄潭足芰荷  
誰信夜深來太  
液共搖仙艇坐星河

奉命永明殿先聖堂代拜

永明頻代拜秋晨  
復此來燭裏金門  
啓松間寶殿開  
香煙羅几席雲霧  
隱樓臺明祀崇群  
聖靈章出帝裁  
登憑虛山殿在永  
明殿之南巖洞甚  
奇

峯殿鬱岩堯登臨  
近九霄曙煙籠闕  
迥殘月帶城遙  
翔鳳金為閣飛虹  
玉作橋乘輿罷遊  
幸花色為誰饒  
萬壽日賜宴內殿  
賜官製彩花并栢  
葉一枝金

筒簪之



酒開天甕綠醅濃帽插金花栢葉重願祝 聖齡如  
此栢青青不改四時容

元夕侍宴幽風亭觀燈

壬寅正月

節值燃燈夜金宮賜御筵千年逢此席萬壽願齊天  
瑞擁堦賞雪芳含花樹煙無窮太平曆長奉聖人前

二

霽雪動春容卿雲護九重翠華臨鳳闕火樹照鰲峯  
應澤皇情豫浮祥御氣濃承恩歌既醉稽首祝華封

三

金海開芳殿初春翠輦過九門通夕炬雙闕近天河

御酒垂玄渥宸襟洽太和共忻陪睿賞何幸沐恩波

四

蓬瀛開玉樹樓觀壓金鰲積霰臨墀淨華燈影殿高  
瑞煙浮綵仗春色上仙桃齊獻南山壽筵前拜衮袍

五

絳蠟千枝鳳金橋萬道虹瑞雲華蓋上明月禁城中  
鎬宴沾同樂堯年慶屢豐宸遊端可頌俚曲愧難工

嘉靖壬寅三月四日同勳輔五臣直宿西苑時

雨適澍

上召賜酒仁壽宮中

諭曰寒春

宵分召卿等飲一鍾朕手注之酒殿中少看



待雨畧住出銀鍾帶歸 聖恩隆渥前代所  
未有也恭賦近體二首志感

春殿宵寒捧賜膠東皇時降雨如膏人間樂歲占楚  
麥天上恩波醉碧挑度苑暗聞仙漏轉拂簾初識御  
香高恭承示諭 皇情重此夕千年豈易遭  
雨夜承明催入召親勞 御手注堯尊需雲湛露恩  
同渥桂殿蘭宮景自溫盛事故須傳汗簡微生何以  
答乾坤歸來更捧銀盃賜世世珍藏示子孫

勅賜禁中乘馬

天閑神駿 勅教騎長奉傳宣過苑堤因是翠華

宸蹕近柳邊深隱不聞嘶

太液乘舟

蘭舟演漾水雲空花葉田田島嶼風棹入瓊波最深  
處玉樓金殿影西東

孟夏初夕侍 上登苑中閣

寶閣璇霄上重城鳳苑西 聖容瞻更密天路到應  
迷檻拂煙虹麗窓懸日月齊翠簾紅燭裏何幸得攀  
躋

帝苑開金閣仙臺駐玉鑾山鄰飛鳳島路接會真壇  
眺迥星辰滿憑高氣色寒叨隨 六龍御真在五雲



端

駕還仁壽宮復 召入賜飲白酒兼賜時服緋

羅彩補

上閣登初罷西宮勅又催香羅頰笥服玉醴酌天杯  
魚鑰通宵啓金蓮伴醉回將何報 明主竚立重徘徊

賜遊 清馥殿

帝苑雲霞麗仙宮洞壑幽春生翡翠殿花滿鳳凰樓  
瑶草迎宸蹕瓊波待御舟共傳 今聖孝當日奉  
慈遊

十里宜春苑金堤覆綠楊水涵瑤殿碧花簇錦亭芳  
馳道通長樂離宮接建章微臣一何幸留賞沐恩光

少師杜翁壽詩

德以精靈降賢爲邦國珍商巖先夢說崧嶽會生申  
帷幄開黃閣冠裾上紫宸垂衣逢 上聖調鼎寄元  
臣溫室承顏密明光起草頻珪璋才獨擅魚水契無  
鄰掀揭鵬圖大翱翔鷺羽振泰階扶景曜鰲極握洪  
鈞禮樂回三代絲綸暢八垠巖瞻擎國柱壽曆紀莊  
椿佳節傳朱夏長庚耀紫旻恩波天上洽雲物望中  
新履集南宮感觴連北斗醇美徵池浴鳳祥協綏隨



麟騎擁平沙曙花留綺席春王褒應有頌千載慶茲辰

桂翁壽詩同諸學士作

劍履從容漢殿東絲綸密勿禁闈中元台位極三公  
貴大雅詞稱百代雄壽酒當杯分湛露薰絃應曲奏  
南風蟠桃已熟三千歲麟閣真收第一功

賜川扇在西苑作

聖恩宣賜揮炎扇貢篚初從蜀國來忽引清風生玉  
殿還擎寶月下瑤臺

錦江鸞扇鬱金香黃帕擎來近御床竊祿南宮無補

報年年頒賜沐恩光

太液池邊暑氣生海榴英簇絳霞明蜀王新貢金花  
箋御苑傳呼賜禮卿

送太宰許公致政

宛洛風煙繫夢頻賜歸今得自由身三朝柱石收公  
望兩世銓衡秉國鈞辭闕祖筵歌漢傳入關仙氣報  
秦人極知感激君恩重夜夜巖扉望北辰

送教刑部兩浙慮囚

西曹冠蓋乘春發白馬翩翩草色青原隰光華持漢  
節簡書欽恤奉虞庭臺端秉燭頻看牘湖上移尊暫



金山堂集 卷三  
駐舫共說九天携雨露一時沾灑向東溟

送錢刑部之四川

使節初從東浙歸又看銜命下彤闈明經斷獄曾何  
忝擁傳還鄉信有輝北極星辰移益部層霄雷雨灑  
園扉平反有奏還相寄遙睇江關朔鴈飛

次韻贈別張銀臺歸吳

離心不可極回首暮江濱滄海栖鷗鷺中朝惜鳳麟  
山吟招隱句亭學草玄人還憶長安邸相過意每真

二

草閣東吳地清川白石潯看雲塵慮失對酒別愁禁

聖代多徵詔君才豈卧林滄洲瞻魏闕真有子牟心

直宿 無逸殿次少師桂翁韻

倬直幽風殿焚香禱雨壇每勞宸諭數真沐聖恩寬  
廣樂聞天近金莖逼露寒九重憂旱切瞻灑望雲端

二

日月開仙苑星辰拱帝壇晝陰猶自閣宸慮若為寬  
夜久天香靜風多水殿寒因題鳳池句花色起毫端

九日少傅相公集飲次席間韻

上相肯迂蓬巷轍佳辰聊薦菊花杯中台瑞氣龍葱  
合南谷霜英爛熳開謾引綵毫珠玉在緩歌金縷管



絃催共書休沐皆君賜秉燭留歡未擬回

十日翊國太師京山都尉集飲用前韻

太師國戚俱尊寵此日能同濁酒杯節過重陽芳菊  
在堂臨西郭古槐開爭誇座上金貂貴莫問樓中玉  
漏催更喜捲簾明月上艷歌聲裏舞行迴

晚秋時菊盛開復有紅葵一株作花次韻儼山

學士

久客長安即似家秋深開遍一庭花幸逢枉駕同星  
聚便擬携尊坐日斜興到總宜揮藻翰語闌因任落  
烏紗菊芳蘭秀俱堪愛長爲佳人感物華

小堂幽學野人家天上朝回日對花最愛老葵當檻  
赤可勝芳菊遶欄斜風香送筆濃薰玉霜影臨窓巧  
映紗書報所知頻悵望莫將心賞負年華

劉起之儀部出副閩憲有贈

春明斧鉞下青霄海國花深擁使貂得路驂騮標格  
健乘風鸞鵠羽翰遙能將藻思雙三禮却假霜威布  
六條願有至言來助我自慚無補聖明朝

送董子儀主事

鳳凰樓閣隱金扉羨爾含毫近紫微已信長鯨橫碧  
海更看雲錦出天機星軺奉使榮何忝彩服寧親願



不違借問海山南去鶴乘風早向帝城歸

送寇貲外陽之浙江僉憲乃父昔守寧波也

宿昔侍嚴駕却駐海州城今來持憲簡重問浙鄉程  
政憶留棠舊名看擢桂榮珪璋懸世望鸛鷺列朝英  
車接熊幡貴冠莪豸角明驛花迎擁傳湖水照揚旌  
行部遺黎識觀風宿靈清曉裝凌霧重春舫壓波平  
蘭署含香地旗亭惜別情臨分何以贈努力振家聲

贈張長史時言

魯衛親藩大衡廬楚道長除書登國傳歸棹指江鄉  
仙醞濃堪致家音近易將河間今禮樂陪從有輝光

二

翰苑張東白先朝望獨尊百年喬木里儒業有諸孫  
簪組恩華繼文章大雅存贈言情繾綣曾出李膺門  
太子賓客張公母夫人九十壽

得見萱齡躋九袞佳辰壽宇若為歡宮賓祿養堂開  
玉天語恩褒誥捧鸞海熟蟠桃忘歲月院深慈竹報  
平安庭闈樂事中朝羨忠孝榮名百代看

寄贈南大司成龔先生

詞林雋譽重珪璋師席居賢國倍光學館化行周胃  
子制科名起漢賢良絃歌夜對金陵月袍袖春携玉



金  
殿香欲寄別懷增悵望海雲江樹故微茫  
看新曆自感用韻

此身夙夜但惟寅又見彤庭授曆新楚嶠憶家頻閱  
歲燕郊吹律早知春君恩天地應難報世事陰晴  
未足嗔年去桑榆欣自暖夢餘蕉鹿勘誰真

鈴山堂集卷第十五

鈴山堂集卷第十六目錄

詩

詔賜金海乘涼詩十首

恭紀恩賜詩二十九首

再奉旨金海乘涼舟泛和京山太傅

奉和桂翁無逸夜直之作

帝壇入拜

奉酬岱屏都尉

早入承天門見鴉次韻

東閣閱庶吉士卷簡同事諸先生



無逸殿直舍和少師相公韻

壽雪直宿死中奉 詔詣都城隍祠行香以子

夜將事

海天春曉圖歌

步虛詞

贈童內方庶子

送許龍石少宰之南都

奉次少師桂翁 賜宴紀恩

再次桂翁鄉會即席韻

甬川張公閱僕舊作繆荷疑重次韻為謝

寄贈槎溪王翁



鈴山堂集卷第十六

詩南宮稿

升菴楊慎評點

詔賜金海乘涼詩有序

嘉靖辛丑六月二十六日勲輔四臣同蒿供事西苑直宿無逸殿時溽暑蒸燠上命中官導五臣每以巳末申前於金海邊乘涼是日出迎和門登舟泊水雲榭觀臨漪亭入椒園至崇智殿畫棟雕甍金碧輝煥蒼松翠栢盤鬱垂蔭不復知有暑氣明日由趨臺坡陟昭和殿又經樂成殿



觀稼亭又明日往觀于太素清馥二殿歷寶  
月會景秋輝涵碧諸亭每至一所擇茂蔭授几而  
休焉時荷花盛開雲錦極目澄漪倒影恍然如在  
蓬萊仙境也伏自思念離宮秘苑非凡跡所至荷  
蒙皇上寵恩之厚今春二月既賜遊小山茲  
復賜遊金海連日汎流經壑以遍歷內苑之勝  
遭逢之盛在古鮮儷誠何幸而得此也忻感之餘  
恭賦近體詩十章以識其盛而境物繁鉅應接不  
暇愧紀不能悉云

木陰深靜鳥聲和溽暑全消爽氣多太液池頭夜來

雨微風新綠水增波

百尺含風清暑殿千尋積翠廣寒宮颼颼涼意知何  
許盡在鳴蟬萬木中

長松影裏頻移席紅藕香中謾駐櫂玉殿金亭來避  
暑若非緣福也難消

翠木陰陰碧水涯渚風汀日淨雲沙長安萬戶炎蒸  
裏始信瑤臺是帝家

椒園臺殿鬱嵯峨別有重巖隱薜蘿坐久不禁清徹  
骨水雲寥闕樹風多

觚稜照日山蔽殿鑑影沉煙柳拂堤蘆葦叢深舟忽



到水禽驚起遶林啼  
趨臺坡轉石林斜更覺清涼一倍加靜聽鳴鶯升別  
樹遠看栖鷺立浮槎  
樓臺一一明如畫水樹重重靜若惟人意願同天意  
樂文王臺沼本無私  
高松碧殿陰陰覆曲水金亭宛宛開竟日攀臨知未  
盡萬花深處一舟迴  
水邊龍艦金屏護樹裏虹橋翠憶過歸去莫言天上  
事蓬萊宮闕渺星河

恭紀 恩賜詩

蒿荷蒙 聖眷便殿召對西苑宿直借勳輔五臣  
其果茗酒饌天厨日給金幣器物尚方珍賜不可  
勝紀間紀數事得近體詩二十九首

賜玲瓏雕花玉帶

積素含輝雪色明尚方寶帶琢瑤瑛殿庭賜處 皇  
恩重先價寧論十五城

賜金織蟒服

宮恩宣賜蟒衣新玉帶金章併在身度德自知難稱  
服遭時深幸得攀鱗

賜金嵌寶石斗牛繚環



金山堂集 卷之三  
寶環分賜黃金爛珠顆勻圓石瑰竒如龍水獸疑騰  
躍什襲尋常不敢窺

喜雨賜飲酒又 皇女生賜白金彩幣

直宿殿廬聞好雨四郊沾足慰 宸心承恩既醉宮  
壺酒逢喜還分御帑金

賜香

賜來龍掛御奩香焚向齋廬坐夜長人間塵暑俱消  
盡身在鈞天玉案傍

賜五味湯 寢宮垂花簾下飲之

中侍高擎五味湯垂花簾下賜沾嘗如何說得天漿

味喉吻生涼齒頰香

賜酒饌瓜果等物中官日給勅免具謝

翠甕分醪出上尊玉盤傳膳給朝飧甘瓜脆果頻頻  
賜勅遣諸臣免謝恩

賜花金筒簪之丁香零苓香草萬年松凡三被  
賜

丁香折得宮園馥苓草移來楚澤春青愛萬年松色  
好 君恩又見一回新

賜畫扇二十四孝人物

宮扇新裁素楮清丹青仍肖古人形揮仁要絳寰中



金山堂集 卷之三 四  
暑勸孝還同座右銘

賜菡萏一枝

太液浮舟花滿池  
曉紅芳濕露濃時  
雲錦萬叢誰敢折  
特荷金筒賜一枝

賜畫扇有木刻海榴嬰墜子一罌可寸許穴其

腹藏象刻物器一百事工巧異甚

燕士刻猴能集棘藝稱工巧古難之請看扇墜木罌子百件中藏物物奇

賜畫百扇水精蟬墜子

玄蟬戢羽不聞聲  
彩扇絛携刻水精  
玉露清風俱入

手不知長夏有炎蒸

賜睿宗皇帝御書大字八音克諧天光雲影

於文華殿面授

灑翰含春舊邸堂名睿墨存奎光  
虹彩照乾坤已欽典樂

虞廷訓還誦真儒喻道言

賜渾銀盤一

冰同潔白玉同堅  
若比蟾光亦爛然  
叮嚀莫謾題生菜  
元奉瓊羞在御筵

賜御製朝泛舟于金海詩一軸

錦軸瑤籤捧御書  
樓船秋日泛龍池  
吾君不事橫



金山堂集 卷之三 五  
汾樂為憶 慈遊轉益悲

賜 皇祖御註道德經一部

道德真文授五千至人曾憶度關年金函玉字 高

皇註萬古神謨日月懸

賜銀套杯六小大各異以禮樂射御書數字別

之

銀質金書六字文酌時隨量淺深分貴同玉瓚藏為

寶德比醇醪飲自醺

賜刻花合香牌子

合香牌子黃金縷佩向衣間藹異芬宮中總愛宜男

意花下雙孩是刻文

賜葫蘆畫八幅

水樹煙雲列畫屏良工高殿寫丹青內家每愛葫蘆

樣寶玩時時對寵靈

萬壽日賜喫麵青磁龍盃盛之

仁壽宮中稱萬壽仰瞻天表祝華封 旨傳賜喫長

生麵捧出蟠花御盃龍

賜金箱奇南香帶

奇南作帶赤金箱鈎繫雙螭白玉光出自崑岡呈寶

氣束當朝署散天香



賜獨角獸補子

獸名獨角狀猶龍彩補恩頒組繡工疑有風雷起鱗  
甲擘雲翻浪欲騰空

賜御用藥煮酒一瓶

御醴芬香味獨珍一壺宣賜殿頭春功可益元存麴  
藥藥能祛疾備君臣

賜御藥如意飲五貼 諭曰能治百病以八月

望日修合

按得千金御藥方合時分取桂輪香 聖人一體君  
臣義百病祛除保壽康

賜騫林茶黃精笋尖皆武當山中所產

綠茗黃精玉笋嬰遠從湘水貢 王庭沾嘗一一皆

仙品露乳煙姿孕嶽靈

賜銀豆

白金鑄鑄能為豆百顆勻圓白雪同若為種在南山  
下乞與民間作歲豐

賜銀八寶亦曰八吉祥錠勝珊瑚犀角珠子名

狀各異

忽驚海藏遺珍貝見說宮中號吉祥因是玉皇朝絳  
闕天花片片落霓裳



金山堂集 卷之三  
賜嘉靖錢撰文賞也

新鑄青銅嘉靖年 聖恩頻給撰文錢原非萬選詞  
林手滿橐持歸一赧然

賜貂鼠煖耳祀 玄極夜寒也又謁 陵騎從

再賜

扈蹕監祠夕殿中滿衣星露滿墀風春融為我消寒  
列貂帽深恩被紫茸

七月十六日再奉 旨金海乘涼舟泛和京山

太傅

傳宣再許內園遊避暑龍池暫放舟菡萏花連千嶼

錦梧桐葉報六宮秋便思解綬親魚鳥却恐浮槎犯  
斗牛涉比巨川期共濟 恩同滄海歎難酬

奉和桂翁 無逸夜直之作

無逸今宵直還依紫禁高大官頻給膳中使特頒醪  
坐久銷鑪篆寒深益毳袍廣庭霜月淨玉兔見秋毫

二

鳳閣詩頻出陽春調自高苑花催染翰宮月對傾醪  
學士金蓮炬仙人獸錦袍起居勞聖問賜札 帝親

毫

帝壇入拜次前韻



金剛山唐體卷之二  
初唐體  
旆轉冷風肅壇開紫炁高竹宮燔制幣瑤席奠仙醪  
月色遙臨仗天香細入袍中央居太乙五色現靈毫

奉酬岱屏都尉

直廬宵命酌都尉興能高主第珍移饌宮壺玉賜醪  
地嚴聞警蹕情洽聚冠袍文雅今誰敵詩成縱彩毫

早入承天門見鴉次韻

喧鴉爭入帝城飛映霧翻林颺曙暉宮女乍聞驚夢  
起省郎紛逐散朝歸聲傳萬井含鐘杳影落千門帶  
月稀還向昭陽自來去綠窓凝望重依依

東閣閱庶吉士卷簡同事諸先生

東閣掄材奉詔同禁庭佳氣靄雲虹御題捧出綸言  
煥筆陣驅時白戰雄光動夜濤珠出海暖回春死鳳  
來桐太平休遇知難報願得真賢答聖衷

無逸殿直舍和少師相公韻

儼直承明幸接廬內房新賜更移居大官日逐頒饗  
膳中使時常給掃除御案絲綸開玉札上清文字理  
金書分明身到鈞天上傳和仙歌白雪餘

燈燭通宵晃禁廬霧窓雲閣近宸居瑞煙入座香浮  
苑寒影窺簾月到除緱嶺乍聞丹鳳吹穀城先訪赤  
松書歸來未向人間說天語親承燕對餘



金華山志卷之三  
九  
禱雪直宿苑中奉 詔詣都城隍祠行香以子

夜將事

燈火中宵出苑西寶香龍札 帝親題北陰朔氣催  
瓊雪上界真符煥彩霓市靜斗星還歷歷祠深松柏  
故淒淒九重此夕憂民意銀漢瑤光望轉迷

海天春曉圖歌爲桂翁作

頽霞紫炁搖青葱曦輪湧出扶桑東  
鼉鼉騰掀巨鰲踊光彩下燭馮夷宮  
洪波浩蕩浮元氣浴日涵空泝無際  
碣石晴吹萬里風方壺曉落中天翠  
是時青陽宣德澤千巖衆壑皆春色  
天桃露嶼絳欲迷芳草煙

汀綠堪折懸泉挂壁古松青香霧環洲  
桂樹榮島駟淑舶雲中見漢柱秦橋天際橫  
別有仙臺杳靄間丹崖翠谷渺難攀  
貝闕峇堯凌五嶽銀宮晃耀出三山  
紫芝瑤草紛開謝鶴馭虹旌自往還  
中有仙人毛骨輕還丹玉液鍊初成  
朝騎白鹿過玄圃夕嚙金精住赤城  
我本丹丘生骭髀山澤形混迹縻塵網  
束書遊玉京蜃市觀溟遠夙願麟洲採藥負  
初盟誰將縑素寫雄觀令我一見心眼亂  
髮鬢乘濤泛太瀛便欲凌風生羽翰  
主人幽思在雲煙黃扉退食心悠然  
鴻鈞已屬調元手花甲初逢獻壽年年  
年獻壽奉瓊筵大



金山堂集 卷二十六詩  
隱金門是列仙日採芙蓉朝 帝闕還看渤海變桑田

步虛詞

高高黃金闕隱隱白玉樓中有虛皇居華景陰丹霄  
朱陽洞明境青炁散空寥寤寐思真域但覺形神超

二

絳宮吸靈氣玉訣飛天罡翕爾生光電依然躡洞陽  
赫奕三皇錄燦爛九霞章飛神朝玉闕羽蓋凌扶桑

三

振佩入瓊都雲扉是幾重鸞情依日觀鳳想結霞峰

魂瑩澄真識心齋清道容五色金光發相將隨赤龍

四

凌晨吸丹景入夜漱玉泉百關彌舒曠靈臺復湛然  
冥思玄霄上馳神玉闕前無勞生羽翼自可揖真仙

贈童內方庶子

賜歸乘傳倍恩光水綠山青入楚鄉驛路草齊吟駐  
馬渚亭花發醉留觴誠知筆裏驅雲夢早向池邊識  
鳳凰望苑賓寮應共待好持經術輔元良

送許龍石少宰之南都

香案携經直九重留曹聊復借高蹤渡江風送仙舟



鷓望闕雲蟠帝宅龍東郡掃松還駐節北書將橘謾  
題封舊遊回首難忘地坐倚修篁夕翠濃南史部後  
堂有竹一  
林予昔領此  
曹憇之故云

奉次少師桂翁 賜宴紀恩

鳳麟瑞世真賢出日月光天景運開身輔虞廷興禮  
樂手調商鼎到公台賜筵玉醴頻繁送袞詔龍箋煥  
爛裁盛典 本朝曾幾見百寮回首歎臣哉  
聖朝褒禮重元臣南省衣冠慶此辰農野氣和初得  
雨帝城花滿騰留春玉堂黃閣勲庸盛翠釜銀罌賜  
澤新歷考中書誰似者直從郭令到公身

再次桂翁鄉會即席韻

德星明處畫堂深咫尺煙霄喜盍簪扈 聖競瞻阿

閣鳳得賢寧羨隗臺金西江文獻元稱盛東里勲名  
復見今瑤瑟夜歌催逸興彩毫春色動高吟

滿座春杯豈厭深百年嘉會此冠簪却慚葭質叨依  
玉永荷洪鑪得鑄金廊廟聲華公振古虞周禮樂  
聖逢今吹噓幸接南宮席潦倒空賡下里吟

帷幄謀謨 帝眷深殿頭鳴玉領纓簪看來錦繡官  
裁蟒捧出駢蕃 御賜金促召每聞忙入夜留懽剛  
得暇逢今已陪魚藻霑恩宴更惜鶯花洽醉吟



甬川張公閱僕舊作繆荷獎重次韻爲謝

老來虛愧度芳辰童子曾矜得句新  
賜帛幾人論將相荆公語雕蟲當日費精神  
鏡中短鬢頻添雪陌上緇衣謾化塵  
蒲柳體資山澤興敢窺時傑畫麒麟

寄贈槎溪王翁

問訊金陵河上居別來風景復何如  
群鷗自占溪翁席駟馬能停省客車  
雲樹江東頻入夢塞鴻天北漫題書  
極知泉石身間樂不向中朝羨佩魚

遠別無因問起居闌函初喜得雙魚  
鏡中華髮年何似湖上扁舟晚自如  
身健底須求人藥眼明猶復理殘書  
近聞欲返槎溪棹故里雲山樂有餘



鈴山堂集卷第十六





